

瑜伽師地論

第四十四

二百九十七  
惡四

49034



元祿九年丙子二月日重脩

皇圖葉固 帝階綴昌

佛日增輝 慧輪常轉

山城州天安寺法金剛院置

法金剛院

瑜伽師地論卷第四十四

彌勒菩薩說

沙門玄奘奉詔譯

惡

本地分中菩薩地第十五

初持瑜伽處供養親近無量品第十六

云何菩薩供養親近修習無量暹拖南曰

供三寶 親善友 修無量 最為後

云何菩薩於如來所供養如來當知供養略

有十種一設利羅供養二制多供養三現前

供養四不現前供養五自作供養六教他供

養七財敬供養八廣大供養九無染供養十

正行供養

若諸菩薩親現供養如來色身是名設利羅

供養

若諸菩薩於為如來所造一切若牽堵波若  
龕若臺若故制多若新制多所設諸供養是  
名制多供養

若諸菩薩於如來身或制多所親面對前現  
瞻現見而設供養是名現前供養

思

瑜珈師地論四十四

若諸菩薩於如來所若制多所現前施設供  
養具時發起增上意樂俱心淨信俱心作是  
思惟若一如來法性即是去來今世一切如  
來法性若一如來制多法性即是十方無邊  
無際一切世界所有如來制多法性是故我  
今供現如來即是供養其餘三世一切如來

供現制多即是供養其餘十方無邊無際一  
切世界若率堵波若龕若臺若故制多若新  
制多當知是名菩薩俱供現不現前一切如  
來及以制多若諸菩薩於不現前一切如來  
及以制多作如來想普為三世一切如來一  
切十方如來制多施設供養當知是名菩薩  
唯供不現前佛及以制多若諸菩薩佛涅槃  
後為如來故造立形像若率堵波若龕若臺  
隨力隨能或一或二或復衆多乃至百千俱  
胝等數如是菩薩於如來所設不現前弘廣  
供養當獲無量大福德果攝受無量廣大梵  
福菩薩由此能於無量劫大劫中不墮惡趣

由是因緣非不圓滿無上正等菩提資糧此  
中菩薩唯供現前佛及制多應知獲得廣大  
福果若唯供養不現前佛及以制多應知獲  
得大大福果若俱供養現不現前佛及制多  
應知獲得最大福果為無有上

若諸菩薩於如來所若制多所欲設供養唯

應

瑜迦師論四十四

自手作不使奴婢作使朋友僚庶親屬不依  
懈墮諸放逸處而設供養是名菩薩自作供  
養若諸菩薩於如來所若制多所欲設供養  
非唯自作亦勸父母妻子奴婢作使友朋僚  
庶親屬及他國王王子大臣長者居士若婆  
羅門國邑聚落饒賤高主下至一切男女大

小貧匱苦厄旃荼羅等及以親教軌範諸師  
共住近住一切弟子同梵行者諸出家者外  
道等衆令於如來若制多所隨力隨能作諸  
供養當知是名菩薩自他咸共供養

若諸菩薩現有少分可供財物興悲愍心故  
恩施與貧苦少福無力有情令於如來若制  
多所持用供養願彼當來多受安樂彼得此  
物供養如來及以制多菩薩於斯自無所供  
當知是名菩薩唯教他設供養此中菩薩若  
唯自供佛及制多應知獲得廣大福果若唯  
教他應知獲得大大福果若能自他俱共供  
養應知獲得最大福果為無有上

若諸菩薩於如來所若制多所以諸衣服飲  
食卧具病緣醫藥供身什物敬問禮拜奉迎  
合掌種種薰香末香塗香華鬘妓樂幢蓋幡  
燈歌頌稱讚五輪歸命趨遠右旋而為供養  
或復奉施無盡財供或復奉施末尼真珠琉  
璃螺貝壁玉珊瑚車璫馬瑙虎珀金銀赤珠  
惡 瑜迦師地論四十四  
右旋如是等寶或復奉施末尼三瓔珞寶璫印  
等諸莊嚴具乃至奉施種種寶鈴或散珍奇  
或纏寶縷而為供養是名菩薩於如來所若

制多所財敬供養

若諸菩薩於如來所若制多所長時施設即  
上所陳財敬供養若多供具若妙供具若現



在前不現在前若自造作教他造作若淳淨  
心猛利勝解現前供養即以如是所種善根  
迴向無上正等菩提如是七種說名菩薩廣  
大供養

若諸菩薩於如來所若制多所自手供養不  
懷輕慢令他供養不住放逸懈惰不敬而為  
供養不輕棄擲不散漫心無雜染心而為供  
養不於信佛國王大臣諸貴勝前為財敬故  
詐設種種虛事供養不雌黃塗不酥灌洗不  
以種種局崛羅香過迦華等餘不淨物而為  
供養如是六種說名菩薩無染供養  
又諸菩薩如是財敬廣大無染供養如是及

制多時或自力所集財寶或從他求所獲財  
寶或得眾具自在財寶能為如是種種供養  
已得眾具自在菩薩化作化身或一或二或  
復眾多乃至百千俱胝等數此一切身皆於  
如來及制多所恭敬禮拜復從如是一一化  
身化出多手或百或千或過是數此一切手  
惡 瑜迦師地論四十四  
皆持無量出過諸天上妙華香殊勝可愛種  
種珍寶奉敬如來及制多所復從如是一切  
化身化出無量上妙音聲歌讚如來廣大甚  
深真實功德復從如是一切化身化出無量  
最上最妙環玕瓊印寶莊嚴具幢蓋幡燈種  
種供具供養如來及以制多如是等類已得

象具自在菩薩所設供養皆屬自心如是菩薩不更希求如來出世何以故由此菩薩已得證入不退轉地一切佛土往來供養皆無礙故又諸菩薩若無自力所集財寶亦無從他求得財寶以無菩薩所獲象具自在財寶可設供養然於所有或瞻部洲或四大洲或千世界二千世界或復三千大千世界乃至十方無邊無際諸世界中下中上品供養如來一切供具菩薩於彼以淨信俱勝解俱心周徧思惟一切隨喜如是菩薩少用功力而興無邊廣大供養攝受菩提廣大資糧菩薩於此恒常無間起真善心起歡喜心當勤修

學若諸菩薩少時少時須臾須臾乃至下如  
搆牛乳頃普於一切蠢動有情修習慈悲喜  
捨俱心於一切行修無常想無常苦想苦無  
我想於其涅槃修勝利想於佛法僧波羅蜜  
多修習隨念少時少時須臾須臾於一切法  
發生少分下劣忍智信解難言法性真如起  
惡 瑜迦師地論四十四  
無分別無相心住何況於此若鴿若增如是  
守護菩薩所受尸羅律儀於奢摩他毗鉢舍  
那菩提分法精勤修學亦於一切波羅蜜多  
及諸攝事正勤修學是名菩薩於如來所正  
行供養如是供養為最第一最上最勝最妙  
無上如是供養過前所說具一切種財敬供

養百倍千倍乃至卽波尼殺曇倍

由此十相應知是各具一切種供養如來如  
供養佛如是供養若法若僧隨其所應當知  
亦尔如是菩薩於三寶所由十種相興供養  
時應緣如來發起六種增上意樂一者無上  
大功德田增上意樂二者無上有大恩德增  
上意樂三者一切無足二足及多足等有情  
中尊增上意樂四者猶如卽曇妙萃極難值  
遇增上意樂五者獨一出現三千大千世界  
增上意樂六者一切世出世間功德圓滿一  
切義依增上意樂由是六種增上意樂於如  
來所若於如來法所僧所少分思惟而興供

養尚獲無量大功德果何況其多

復次菩薩成就幾相能為善友由幾種相善

友不虛成就幾相令善友性作信依處復有

幾種善友菩薩於所化生為善友事菩薩幾

種親近善友由幾種想於善友所聽聞正法

由幾種處於善友所聽聞法時於說法師不

作異意

應 瑜珈師地論第四

六

當知菩薩成就八支能為善友象相圓滿一

者住戒於諸菩薩律儀戒中妙善安住無缺

無穿二者多聞覺慧成就三者具證得修所

成隨一勝善逮奢摩他毗鉢舍那四者哀愍

內具慈悲能捨自己現法樂住精勤無怠饒

益於他五者無畏為他宜說正法教時非由  
恐怖忘失念辨六者堪忍於他輕笑調弄鄙  
言違拒等事非受言路種種惡行皆悉能忍  
七者無倦其力充強能多思擇處在四眾說  
正法時言無謬澀心不疲厭八者善詞語具  
圓滿不壞法性言詞辨了  
若諸菩薩具五種相象德相應能為善友所  
作不虛一者於他先欲求作利益安樂二者  
於彼利益安樂如實了知無顛倒覺三者於  
彼善權方便順儀說法隨眾堪受調伏事中  
有能有力四者饒益心無厭倦五者具足平  
等大悲於諸有情劣中勝品心無偏黨

若諸菩薩成就五相令善友性作信依處令  
他遠聞極生淨信何況親覩一者勝如威儀  
圓滿威儀寂靜威儀具足一切支分皆無躁  
動二者敦肅三業現行無掉無擾三者無矯  
不為誑他故思詐現嚴整威儀四者無嫉終  
不於他說法所得利養恭敬生不堪忍而常  
惡 瑜迦師地論四  
自勵請他說法復恒勸餘於彼廣施利養恭  
敬無諂偽心又常於他其心純淨見彼說法  
及得財敬深生隨喜如自所獲利養恭敬心  
生歡喜見他所得利養恭敬其心歡喜復過  
於是五者儉約貯備器物隨得隨捨

善友菩薩由五種相於所化生為善友事一



能諫舉二能令憶三能教授四能教誡五能  
說法如是諸句廣辨應知如聲聞地教授教  
誡廣說如前力種姓品

當知菩薩由四種相方得圓滿親近善友一  
於善友有病無病隨時供侍恒常發起愛敬  
淨信二於善友隨時敬問禮拜奉迎合掌殷  
勤修和敬業而為供養三於善友如法衣服  
飲食卧具病緣醫藥資身什物隨時供養四  
於善友若正依止於如法義若合若離隨自  
在轉無有傾動如實顯發作奉教心隨時往  
詣恭敬承事請問聽受  
若諸菩薩欲聽法時作五種想應從善友聽

聞正法一作寶想難得義故二作眼想能得  
廣大俱生妙慧因性義故三作明想已得廣  
大俱生慧眼於一切種如實所知等照義故  
四作大果勝功德想能得涅槃及三菩提無  
上妙迹因性義故五作無罪大適悅想於現  
法中未得涅槃及三菩提於法如實揀擇止

惡 輪迴師地輪四智

觀無罪大樂因性義故

若諸菩薩欲從善友聽聞法時於說法師由  
五種處不作異意以純淨心屬耳聽法一於  
壞戒不作異意謂不作心此是破戒不住律  
儀我今不應從彼聽法二於壞族不作異意  
謂不作心此是卑姓我今不應從彼聽法三

於壞色不作異意謂不作心此是醜陋我今  
不應從彼聽法四於壞文不作異意謂不作  
心此於言詞不善藻飾我今不應從彼聽法  
但依於義不應依文五於壞美不作異意謂  
不作心此語麁惡多懷忿恚不以美言宜說  
諸法我今不應從彼聽法如是菩薩欲聽法  
時於是五處不應作意但應恭敬攝受正法  
於法法師未嘗見過若有菩薩其慧微劣於  
說法師心生嫌鄙不欲從其聽聞正法當知  
此行不来自利退失勝慧

云何菩薩修四無量慈悲喜捨謂諸菩薩略  
有三種修四無量一者有情緣無量二者法

緣無量三者無緣無量

若諸菩薩於其三聚一切有情安立以為無  
苦無樂有苦有樂於其最初欲求樂者發起  
與樂增上意樂普緣十方安住無倒有情勝  
解修慈俱心當知是名有情緣慈

若諸菩薩住思 瑜迦師範論器唯法想增上意樂正觀唯法假  
說有情修慈俱心當知即此名法緣慈九

若諸菩薩復於諸法遠離分別修慈俱心當  
知即此名無緣慈如有情緣法緣無緣三慈  
差別悲喜捨三當知亦尔

若諸菩薩於有苦者發起除苦增上意樂普  
緣十方修悲俱心是名為悲

若諸菩薩於有樂者發起隨喜增上意樂普緣十方修喜俱心是名為喜

若諸菩薩即於如是無苦無樂有苦有樂三種有情隨其次第發起遠離癡瞋貪惑增上意樂普緣十方修捨俱心是名為捨

此中菩薩慈等無量有情緣者當知其相與外道共若法緣者當知其相與諸聲聞及獨覺共不共外道若無緣者當知其相不共一切聲聞獨覺及諸外道

又諸菩薩三種無量應知安樂意樂所攝謂慈悲喜一種無量應知利益意樂所攝是謂為捨如是菩薩一切無量名為哀愍以諸菩

薩成就此故名哀愍者此中菩薩於有情界  
觀見一百一十種苦於諸有情修悲無量何  
等名為百一十苦

謂有一苦依無差別流轉之苦一切有情無  
不皆墮流轉苦故

復有二苦一欲為根本苦謂可愛事苦變苦

應 瑜伽師地論四十四

壞所生之苦二癡異熟生苦謂苦猛利體受

所觸即於自體執我我所愚癡迷悶生極怨

嗟由是因緣受二箭受謂身箭受及心箭受

復有三苦一苦苦二行苦三壞苦復有四苦

一別離苦謂愛別離所生之苦二斷壞苦謂

由棄捨衆同分死所生之苦三相續苦謂從

此後數數死生展轉相續所生之苦四畢竟  
苦謂定無有般涅槃法諸有情類五取蘊苦  
復有五苦一貪欲纏緣苦二瞋恚纏緣苦三  
惛沈睡眠纏緣苦四掉舉惡作纏緣苦五疑  
纏緣苦

復有六苦一因苦習惡趣因故二果苦生諸  
惡趣故三求財位苦四勤守護苦五無厭足  
苦六變壞苦如是六種摠說為苦

復有七苦一生苦二老苦三病苦四死苦五  
怨憎會苦六愛別離苦七雖復希求而不得  
苦復有八苦一寒苦二熱苦三飢苦四渴苦  
五不自在苦六自逼惱苦謂無繫等諸外道

類七他逼惱苦謂遭遇他手塊等觸蚊蚤等觸八一類威儀多時住苦

復有九苦一自衰損苦二他衰損苦三親屬

衰損苦四財位衰損苦五無病衰損苦六戒

衰損苦七見衰損苦八現法苦九後法苦

復有十苦一諸食資具匱乏苦二諸飲資具

思 瑜迦師地論四苦

匱乏苦三騎乘資具匱乏苦四衣服資具匱

乏苦五莊嚴資具匱乏苦六器物資具匱乏

苦七香鬘塗飾資具匱乏苦八歌儻妓樂資

具匱乏苦九照明資具匱乏苦十男女給侍

資具匱乏苦

當知復有餘九種苦一一切苦二廣大苦三



一切門苦四邪行苦五流轉苦六不隨欲苦  
七違害苦八隨逐苦九一切種種苦

一切苦中復有二苦一宿因所生苦二現緣  
所生苦

廣大苦中復有四苦一長時苦二猛利苦三  
雜類苦四無間苦

一切門苦中亦有四苦一那落迦苦二傍生  
苦三鬼世界苦四善趣所攝苦

邪行苦中復有五苦一於現法中犯觸於他  
他不饒益復發起苦二受用種種不平等食  
界不平等所發起苦三即由現法苦所逼切  
自然造作所發起苦四由多安住非理作意

所受煩惱隨煩惱纏所起諸苦五由多發起  
諸身語意種種惡行所受當來諸惡趣苦流  
轉苦中復有六種輪轉生死不定生苦一自  
身不定二父母不定三妻子不定四奴婢僕  
使不定五朋友宰官親屬不定六財位不定  
自身不定者惡 瑜迦師地論四謂先為主後為僕隸父母等不  
定者謂先為父母乃至親屬後時輪轉十二反作  
怨害及惡知識財位不定者謂先大富貴後  
極貧賤

不隨欲苦中復有七苦一欲求長壽不隨所  
欲生短壽苦二欲求端正不隨所欲生醜陋  
苦三欲生上族不隨所欲生下族苦四欲求

大富不隨所欲生貧窮苦五欲求大力不隨所欲生羸劣苦六欲求了知所知境界不隨所欲愚癡無智現行生苦七欲求勝他不隨所欲反為他勝而生大苦

違害苦中復有八苦一諸在家者妻子等事損減生苦二諸出家者貧等煩惱增益生苦三饑儉逼惱之所生苦四怨敵逼惱之所生苦五曠野嶮難迫迮逼惱之所生苦六繫屬於他之所生苦七支節不具損惱生苦八殺縛所截挫打驅擯逼惱生苦

隨逐苦中復有九苦依世八法有八種苦一壞法壞時苦二盡法盡時苦三老法老時苦

四病法病時苦五死法死時苦六無利苦七  
無譽苦八有譏苦是名八苦九希求苦如是  
摠說名隨逐苦

一切種苦中復有十苦謂如前說五樂所治  
有五種苦一因苦二受苦三唯無樂苦四受

不斷苦五出離遠離寂靜喜提樂所對治家

惡 瑜伽師地論四品

欲界結尋異生苦是名五苦復有五苦一逼

十三

迫苦二象具匱乏苦三界不平等苦四所愛

變壞苦五三界煩惱品麁重苦是名五苦前

五此五摠十種苦當知是名一切種苦

前五十五今五十五摠有一百一十種苦是

菩薩悲所緣境界緣此境故諸菩薩悲生起

增長修習圓滿

又諸菩薩於大苦蘊緣十九苦發起大悲何等名為十九種苦一愚癡異熟苦二行苦所攝苦三畢竟苦四因苦五生苦六自作逼惱苦七成衰損苦八見衰損苦九宿因苦十廣大苦十一那洛迦苦十二善趣所攝苦十三一切邪行所生苦十四一切流轉苦十五無智苦十六增長苦十七隨逐苦十八受苦十九鹿重苦

由四緣故悲名大悲一緣甚深微細難了諸有情苦為境生故二於長時積習成故謂諸菩薩經於無量百千大劫積習所成三於所

緣猛利作意而發起故謂諸菩薩由是作意  
悲所執持為息有情象苦因緣尚能棄捨百  
千身命況一身命及以資財於一切種治罰  
大苦為諸有情悉能堪忍四極清淨故謂諸  
菩薩已到究竟菩薩清淨若諸如來已到佛

地如來清淨

惡

瑜伽師地論四四

十四

又諸菩薩由前所說百一十苦於諸有情修  
悲心時則為修習一切菩薩所有悲心復能  
速證悲意樂淨證入菩薩淨意樂地於諸有  
情獲得菩薩極親厚心極愛念心欲作息心  
無厭倦心代受苦心調柔自在有堪能心  
諸聖聲聞已得證入苦諦現觀已到究竟於

苦深遠厭俱行心相續而轉不如菩薩於諸  
有情悲前行心正觀墮在百一十種極大苦  
蘊菩薩如是以所修悲熏修心故於內外事  
無有少分而不能捨無戒律儀而不能學無  
他怨害而不能忍無有精進而不能起無有  
靜慮而不能證無有妙慧而不能入是故如  
來若有請問菩薩菩提誰所建立皆正答言  
菩薩菩提悲所建立

如前所說一一無量皆有無量菩薩如意圓  
德隨轉皆能攝受無量愛果皆無量種一向  
妙善無罪隨轉

當知菩薩精勤修習如是無量能得四種功

德勝利謂由修習此無量故先得最勝現法  
樂住攝受增長無量最勝福德資糧能於無  
上正等菩提意樂堅固為欲饒益諸有情故  
於生死中堪能忍受一切大苦

本地分中菩薩地第十五

初持瑜伽處菩提分品第十七之一

惡 瑜伽師地論四十四

云何菩薩菩提分法暕拖南曰

慚愧堅力持

無厭論世智

正依無礙解

資糧菩提分

正觀性巧便

絕羅尼正願

三摩地有三

法暕拖南曰

云何名為菩薩慚愧當知慚愧略有二種一  
者自性二者依處言自性者謂諸菩薩於罪



現行能正覺知我為非法內生羞耻是名為  
慚即於其中能正覺知於他敬畏外生羞耻  
是名為愧菩薩羞耻本性猛利況復修習如  
是應知名為菩薩慚愧自性言依處者略有  
四種若諸菩薩於所應作不隨建立而生羞  
耻當知是名第一依處若諸菩薩於不應作  
隨順建立而生羞耻當知是名第二依處若  
諸菩薩於覆己惡而生羞耻當知是名第三  
依處若諸菩薩於自所生惡作有依隨逐不  
捨而生羞耻當知是名第四依處如是應知  
名為菩薩慚愧依處

云何菩薩堅力持性當知此性略有二種一

者自性二者依處言自性者謂能禁制染汙  
心性不隨煩惱自在行性堪忍苦性種種衆  
多猛利怖畏雖現在前而正加行無傾動性  
性勇相應能正思擇是故得成堅力持性如  
是名為堅力持性自性如是菩薩堅力持性  
略說應知有五依處一者曾遇生死輪轉種  
惡 瑜伽師地論四  
種大苦所化有情種種邪行二者為益諸有  
十六  
情故誓受長時生死流轉三者遭遇異論朋  
黨諍覓難詰及處大衆宣揚法義四者誓受  
一切菩薩所應學處五者聽聞廣大甚深難  
思議法是名堅力持性依處  
云何菩薩心無厭倦當知菩薩由五因緣普

於一切正加行中心無厭倦一者菩薩性自  
有力故無厭倦二者菩薩即於如是無厭倦  
心數數串習故無厭倦三者菩薩方便攝受  
精進勇猛能正隨觀前後所得展轉殊勝故  
無厭倦四者菩薩成就猛利增上妙慧正思  
擇力故無厭倦五者菩薩於諸有情猛利悲  
心極哀愍心恒常現前故無厭倦  
云何菩薩善知諸論謂諸菩薩於五明處名  
句文身相應諸法從他善受言善通利即於  
如是諸法妙義或從他所善聽善決或自專  
精善擇善思如是知法知義菩薩於法於義  
為不忘失恒常精勤不捨加行又為了知所

餘新新後後法義殊勝差別雖復聞思已到  
究竟而由此故漸次成熟於此法義獲得淨  
信由是行相當知菩薩知諸論智無量圓滿  
無有顛倒

云何菩薩善知世間謂諸菩薩普於一切有

情世間如實了知如是世間極為艱峻甚為

惡

瑜伽師地論第四

十七

愚闇所謂雖有生老及死數數死生而諸有

情於老死等上昇出離不如實知又諸菩薩

如實了知有情世間有諸穢濁濁世增時無

諸穢濁濁世減時謂依五濁一者壽濁二者

有情濁三者煩惱濁四者見濁五者劫濁如

於今時人壽短促極長壽者不過百年昔時

不尔是名壽濁如於今時有情多分不識父  
母不識沙門若婆羅門不識家長可尊敬者  
作義利者作所作者於今世罪及後世罪不  
見怖畏不修惠施不作福業不受齊法不受  
淨戒昔時不尔是名有情濁如於今時有情  
多分習非法貪不平等貪執持刀劍執持器  
仗鬪訟諍斃多行誦誑詐偽妄語攝受邪法  
有無量種種惡不善法現可了知昔時不尔是  
名煩惱濁如於今時有情多分為壞正法為  
滅正法造立衆多像似正法虛妄推求邪法  
邪義以為先故昔時不尔是名見濁如於今  
時漸次趣入饑饉中劫現有衆多饑饉可得

漸次趣入疫病中劫現有衆多疫病可得漸  
次趣入刀兵中劫現有衆多互相殘害刀兵  
可得昔時不尔是名劫濁是名菩薩如實了  
知有情世間又諸菩薩如實了知諸器世間  
破壞成立如器世間破壞成立差別而知又  
諸菩薩於其世間於世間集於世間滅於能  
往趣世間集行於能往趣世間滅行於其世  
間受味過患及與出離皆如實知又諸菩薩  
如實了知眼及至意諸無色蘊四大造色成  
士夫身唯有尔所假名人性於中所有想或  
我或有情此唯有想於中所有自号言說我  
眼見色廣說乃至我意知法此亦唯有自号

惡

瑜伽師地論四

十八

言說於中所有世俗語言謂此長老有如是  
名如是種類如是族姓如是飲食如是領納  
若苦若樂如是長壽如是久住如是盡其壽  
量邊際此亦唯有世俗言說菩薩於此皆如  
實知由諸菩薩如實了知有情世間流轉差  
別若器世間流轉差別若八種相觀世間義  
若諸世間所有勝義是故說名善知世間  
復次菩薩若見年德俱尊勝者能正奉迎敷  
座延坐敬問禮拜合掌殷勤修和敬業若見  
年德俱相似者能正問訊酬對歡慰以較美  
言共興談論不依等慢而自格量若見年德  
俱卑劣者隨力隨能勸修勝德顯實劣德覆

實多過終不舉發令其耻愧亦不輕陵令心  
退沒知有怖求若賤若法終不背面亦不鬻  
蹙不譏悞失不蔑退榮於是一切劣等勝品  
諸有情類若見彼時先意慰問讚言善來無  
倒安處能正隨力攝以財法雖處尊勝而於  
有情終不乖戾不自珍奇亦不憍傲所攝有  
惡 瑜伽師地論中四  
情縱懷資給有病無病終不棄損身業語業  
十九  
無不隨順若識不識一切等心為友為朋無  
怨無隙於無依怙一切有情隨力隨能作依  
作怙不託異門發他憂苦令彼須臾住不安  
樂若有因緣須現談詭稱理而為非不稱理  
雖遇情交極相親蜜年事斯等無乖隔者亦



不共談匪仁言論終不於他久懷忿恨設復  
暫起不作其諱若復為他身語訾辱或善思  
擇或依止法或省己過而自開解不譴於他  
其心安靜而不輕躁身語意業起必審詳普  
能遠離十四垢業藏隱六方遠四惡友攝四  
善友如是一切應知具如尸佞洛陽集終迦契經中  
說或為現法利益事義財位相應起策具足  
守護具足平等養命於諸世間工巧業處皆  
得善巧無誦無幻性不誑他於罪現行深懷  
慚恥正行具足尊重正行守護正行有所寄  
付深可倚信於他財物無所規度舉貸他物  
終不違得分所共財平等無矯共知真實賣

者不識稱實酬價無枉毫釐於世時務令儀軌範為益世間辨正機速於所應作彼彼事中他正來求皆為助伴敦質無動不託餘緣善營事業非為不善若為帝王以法治世不以非法不好責罰若御大眾勸捨惡戒令修善戒成就八種賢聖語言謂於所見問答言惡 瑜伽師地論四十四見於聞覺知問答言知於所不見問答言二十於所不聞不覺不知問答不知

菩薩成就如是等法如其世間正所應知其世間正所應轉於彼一切皆如實知是故名為善知世間



